

李文忠公全書

朋僚函稿

卷十四

李文忠公朋僚函稿

卷之十三目錄

復孫竹堂觀察

同治十一年正月十一日

復孫竹堂觀察

同治十一年正月二十一日

復沈幼丹船政

同治十一年二月十八日

復吳仲僊制軍

同治十一年三月二十二日

復孫竹堂觀察

同治十一年三月二十六日

復孫竹堂觀察

同治十一年四月二十二日

復丁稚璜宮保

同治十一年五月初一日

復袁筱午宮詹

同治十一年五月初二日

復孫竹堂觀察

同治十一年五月初六日

復錢調甫中丞

同治十一年五月十一日

復李雨亭制軍

同治十二年五月十四日

復何子永中翰

同治十二年五月十五日

復孫竹堂觀察

同治十二年五月二十日

復袁筱午宮詹

同治十二年五月二十一日

復郭遠堂中丞

同治十二年五月二十四日

復李雨亭制軍

同治十二年六月初一日

復沈經笙宮保

同治十二年六月二十日

復丁稚璜宮保

同治十二年閏六月初一日

復沈幼丹船政

同治十二年閏六月初六日

復李雨亭制軍

同治十二年閏六月十二日

復吳清卿太史

同治十二年閏六月十三日

復劉開生太守

同治十二年閏六月二十五日

復袁筱午宮詹

同治十一年閏六月二十八日

復喬鶴儕河帥

同治十一年七月初一日

復錢調甫中丞

同治十一年七月十三日

復李雨亭制軍

同治十一年七月二十四日

復丁稚璜宮保

同治十一年七月三十日

復喬鶴儕河帥

同治十一年七月三十日

復陳荔秋比部

同治十一年八月初十日

復鮑華潭中丞

同治十一年九月二十日

復王夔石中丞

同治十一年十月初十日

復馮景亭宮允

同治十一年十月二十二日

復邵汴生中丞

同治十一年十一月初九日

復張振軒中丞

同治十一年十一月十一日

復劉仲良方伯

同治十一年十一月十三日

復丁稚璜宮保

同治十二年十一月十五日

復彭雪琴宮保

同治十二年十一月十六日

復李雨亭制軍

同治十二年十二月初九日

復沈幼丹船政

同治十二年十二月初十日

復朱修伯宗丞

同治十二年十二月十七日

致曾劼剛通侯

同治十一年十二月二十一日

致宋雪帆侍郎

同治十三年正月初一日

復邵汴生中丞

同治十三年正月二十日

復李雨亭制軍

同治十三年正月二十八日

復邵汴生中丞

同治十三年二月初二日

致沈幼丹船政

同治十三年三月二十日

李文忠公朋僚函稿卷十三

全集二之十三

桐城吳汝綸編錄

復孫竹堂觀察

同治十二年正月十一日

沈仲復朱雲甫連次函牘似均和衷竭力籌辦輪船已定購四隻
內有在英國新造式樣用煤少而行駛速或可漸求開拓尊論添
招閩粵巨商入股已屬振軒中丞轉飭招徠朱守二月初來津當
再面籌壹是長江運鹽一時無此氣力兩江亦未肯變通也近赴
法館會議約事有轉機否日本使臣尙無到滬信息計二月初北
洋開河卽正杪過滬不遲總署覆奏當有行知三月間
謁陵盛典直督向須入
觀迎扈現飭地方官趕緊預備弟若於二月初赴津料理換約事
宜恐未能如期請

觀耳地亞士行覓到鐵礮臺樣可屬王守於三四月運津查驗再行商辦四磅克虜卜礮兩尊挖河機器並屬開河運交劉含芳驗收俾爾錫遲日令其來津試演電綫爲幸

復孫竹堂觀察

同治十二年正月二十一日

日本換約已奉

旨派敝處承辦換約無甚疑難惟覲奉國書一節須妥爲開導屆時伊必求進京中外合力商籌務求妥協該使副壘想難久住其國書不能面遞亦應設法回答耳弟擬二月初赴津如副壘等卽來與之面商大略月杪再行請

覲隨扈屆時換約若未竣事或屬琴軒子敬與爲羈縻弟仍抽身迎扈伺候

召見典禮攸關誠不敢疏漏也法教士聽中國約束各使未必附

和欲高一層入題當預備收束之法現計會議過期是否照會各國公議執事久勞於外不遑顧家殊堪憫念現奉要差未必准假南旋極盼約事告成榮膺闕篆靜以俟之可乎

復沈幼丹船政

同治十二年二月十八日

京朝士夫不顧念中外大局訟言船政之非總署心知其理而忱於成效之難亦遂渙忽依違若非我公大聲疾呼挺身獨任鮮不隳中道而貽笑柄者鴻章涉歷洋務已十餘年嘗苦有倡無和今季帥與執事業有成局敢不藉事直陳稍佐遠略和翁前過津時謂內意不甚以爲然卽微露諉阻之辭弟方勸其與執事同力合謀以求經久乃猶若浼焉人皆視官如傳舍獨公不得視局如傳舍一有司事耳而令長才夙望久羈於此且時憂度支之告匱將若之何司農豈知國計卽奏撥恐亦空文似宜從長計議俟造船

限滿付託結實可靠之人以善其後而垂天之翼經緯六合仍左右主持之斯經國之大計也近世非疆吏不能治軍辦事惟所欲爲弟雖爲畿省貧瘠所困仍日盼我公兼圻東南宏斯遠謨一振頽綱雪巖領辦十二號商船或可稍資津貼敝處試辦招商彼族尙無異詞華人偏增多口大都殷富詭寄洋行幾疑中國之不能自立試行數年後儻亦于于而來耶

聖主親政各使力請

覲賀文相議令通融禮節勉與枝梧法國內患未平修約亦無就緒惟俄據伊犁駸駸東犯世無班定遠趙充國其人勢將陸沈莫返左公已老得隴便爲幸事似未能強令出塞矣心泉溘逝大文表揚簡重高古足垂不朽容爲轉致同人弟忝竊高位毫無報稱擾擾於簿書酬應之間精力愈疲才志愈劣不堪爲知己告頃以

陵差期近卽入都請
覲隨扈倚裝愬復不具

復吳仲僊制軍

同治十二年三月二十二日

松建巡閱之舉計已載途露冕宣勤可勝馳念滇黔善後尙無端緒協濟之日正長隴軍雖有起色而關外諸軍調撥日增誅求未已想見躊躇四顧應接不遑敝部分防難遽裁撤額款並煩籌顧深爲感慙耳

親政以後一切率由舊章氣象極爲肅穆請
訓時蒙勉以實心實力辦事每日

臨朝典學

聖躬倍形勞勩而諸務究心諸事順手實中外臣庶之福也昨以
陵差回鑾霖雨泥淖

兩宮行李輜重落後至回京始行發落亦可覘

聖度之淵深矣各使求

覲甚力總署欲令跪拜如儀乃又不肯自違該國體例

朝廷念其恭謹無他意或姑許之

復孫竹堂觀察

同治十二年三月二十六日

各使請

覲一事業經總署奏准妥議日來籌議章程若何尙不過費唇舌
否深系遠懷前閱新聞紙有云歐洲各國見君之禮祇屈一足其
君亦舒一手以引之其臣乃以鼻接其君之手然後命之起侍立
於旁昨密妥士過晤便中詢及據稱亦屈一足未知崇志諸君在
外國所行禮節有異同否如能屈一足略與中國請安相等卽不
跪拜較爲順眼又萬國公法云概以內廷延見文相欲令在海子

等處

便殿召對果可行否鴻章與議於六年冬閒昨在京亦經面陳大畧現既奉准似可不再煩瀆惟冀議奏章程速定藉釋外廷之疑慮則浮議當漸息矣吳清卿恩恩接晤未便深談此事乃倡爲迂論殊出意料之外近又有人續奏否當局事理非淺見所能測量也東使副島十三日自滬啟程二十四始到津門尙未來見若逕赴京總署自應駁回彼必觀望請

覲可成乘機合從其帶兵船二隻至大沽貌爲恭敬隱示威武當以度外置之總署司員辦公清苦義應各海關籌給津貼但須先奉公函商辦乃可定數所上赫德條議當蒙采納信任已久挽回殊不易也

復孫竹堂觀察

同治十二年四月二十一日

東使在京諸承指示傳宣動必中禮佩慰良深副島何日拜謁總署前據面稱欲早回國辦理祕魯議約之事緣祕使在彼專候似尙近情熱使言日有難辦之事或卽指此至謂西人以中國太弱勸以乘機邀利難保彼族非故意挑衅我無詘於西人更無嫌於東人衅從何起臺灣生番一節昨臺灣同知黃維煊護送法人德克碑進京議教堂事面詢生番地方險峻趨捷美人屢攻不得手李仙得雖曾去過無奈伊何且琉球稟閩帥甚感收撫難夷豈日本所應過問王補帆函告李仙得爲廈門領事殊不安分今聞招令通事林鍼往充日本隨員林鍼是否在隨員中似不甚確李仙得不通中國與日本語言前在津時略與寒暄並未過加指飭亦傳聞之誤矣各使請

覲已否奏明交議副島尙能靜候隨班否前換約本該國既有上

諭爲憑似可勿庸深究彼數千里來專爲此事豈可因小節駁回耶德克碑爲傳教一事頗發公論左沈諸公令其齎書往商熱使似與修約稍有裨助到京時希晤商辦理爲荷

復丁稚璜宮保

同治十二年五月初一日

河務關係甚重弟涉歷南北雖略有聞見未敢率爾覆陳經費現正短絀亦未可遽興大工詳諮上年侯林工程結實可靠目前當無南溢之虞祇此大害必須亟防此外似皆從緩至治河而兼復運道南北似均無把握若運不能復則河亦奚須大治反覆籌維尙無兩全之策容再與撫屏熟計並博訪周諮確實情形參以管見再行縷晰上陳瞬屆伏秋大汛務祈嚴飭印委文武設法保守侯林官隄民埵勿任再有潰溢掣動大局爲幸六舍弟咳血屢爲庸醫所誤幾致不起尊論洞見垣方欽佩奚似幸得撫屏診治連

服數劑夜燒不眠已漸解退惟元氣太損肺熱未減正在醫調得手之際日易一方相依爲命前聞撫屏傳諭立限十日回省已切屬其專稟多留數日茲奉飭催薛道並呈閱尊札曷勝惶悚焦急之至可否垂念病情稍緩旬日如服藥大效卽請其妥訂方劑兼程回東感荷盛情豈有涯涘

復袁筱午宮詹

同治十二年五月初二日

子建舉劾省三皆未可據爲定論前事實因瑯邪一言而發物先腐而後蟲生其故又不在瑯邪也敝處與省三太親又係原保之人豈應呶呶置辨若由他處轉陳較爲得體現已清平留意將才者蓋寡矣西使以敬其國君之禮敬我

皇上彼自謂情理已足而書生不識時務欲與爭此小節所謂放飯流歡而問無齒決自強之道固不在是聞須廷臣集議而後行

似未可中止耳

復孫竹堂觀察

同治十二年五月初六日

副島因覲事未有定局偶發狂言執事二十四日面諍之言殊爲得體各國會議節略既經畫押定案簡明另單幾成贅文宜西使之退有後言也日內計已入告

諭旨若何深爲懸系周禮象胥以時入賓則協其禮注疏云夷狄之君不能行中國禮亦當以禮和合之使得其所此實可爲今日證據將來奉准後繪圖擇期至早須本月下旬副島急欲東歸想須耐性少待同一不跪自無庸另班分起矣沈仲復四月二十一日函報英法美到滬兵船不少聲稱聽候此信如請

覲或有齟齬難免堅求等語請爲密致總署弟知此事已有成議虛詞恫喝斷不足信故未函告免致無端搖惑頃晤密安士據稱

津商僉知議單畫押事在必行遠人同聲翕服儻新聞紙亂造謠言切勿輕聽爲要

復錢調甫中丞

同治十二年五月十一日

賈魯河工隄岸改作坦坡出土在隄外二三十丈均極得法兩岸再築短垣隨時修補或可經久人謂不可恃者以浮沙爲害易也但於此事著力諒不至遽爾頽廢工用十萬串餘殊爲核實子恕眾中矯矯固所夙知尙不料實事求是若此爲左右得人慶也苟亭擢京兆敝處亦得一助其世兄能掣豫省爲佳朗齋西行儻援宋軍之例豫力更竭張宋似須出關來日大難實堪危慮黃丞到滬後適鄭玉軒來津詢及謂該丞結實精細將來厯練旣久當能擔持局務祈隨時策勵之渠本無宦情若藉局差爲謀遠大必有裨也前在京與樞廷談經筵極稱執事到豫百度維新他處未聞